

Андижон вилояти ҳокимлиги расмий портали

АНДИЖОНЛИК ЗУЛФИЯ МУКОФОТИ СОҲИБАЛАРИ бешта ташаббус бўйича тарғибот ишлари олиб боришади



Жорий йилдан бошлаб вилоятимиздан етишиб чиққан Зулфия номидаги Давлат мукофоти совриндорлари энг чекка худудлардаги шаҳарча ва қишлоқларга бориб, ўз йўналиши бўйича учрашувлар ва мастер-класслар ўтказиб, мамлакатимиз раҳбари томонидан илгари сурилган бешта муҳим ташаббус бўйича тарғибот ишларини олиб боришади.



Бу ҳақда вилоят ҳокими Шухратбек Абдураҳмонов Андижон шаҳридаги Ёшли марказида Зулфия номидаги Давлат мукофоти таъсис этилганлининг 20 йиллиги муносабати билан ўтказилган қизлар форумида билдириди, дея хабар бермоқда форумда иштирок этган “Auz.uz” мухбири.

Тадбирда шу кунга қадар андижонлик 24 нафар қиз мукофот соҳибасига айлангани, бироқ уларнинг фаолияти умуман талабга жавоб бермаётганлиги, давлат раҳбари берган ишончни оқлашга интилмаётганлиги таъкидланди. Шундан сўнг қизлар томонидан беш муҳим ташаббус бўйича қилиниши лозим бўлган ишлар бўйича таклиф ва ташабbusлар илгари сурилди.

- Ҳақиқатдан ҳам бугунги ислоҳотларга бефарқмаслигимизниамалий ишларимиз билан кўрсатишнимиз зарур,- дейди Зулфия номидаги давлат мукофотининг 2008 йилдаги совриндори, Жалакудук туманидаги 17-давлат ихтисослаштирилган мактаб интернати бошлангич ташкилоти етакчиси Р. Рустамова. - Бугунги форумда вилоят раҳбари томонидан қайд этилган масалалар бўйича ўзимизга тегишли хулоса чиқариб, бундан кейин унга бор эътиборимизни қаратишга, лойиҳа ва ташабbusларимиз билан ўз хиссамизни қўшишга ҳаракат қиласиз.

Ўз истеъоди ва ташабbusкорлиги билан тенгдошларига ибрат бўлаётган фаол ўкувчи-талаба қизлар иштирок этган форумда мукофот соҳибалари томонидан тайёрланган маданий дастур намойиш этилди.